

1893, B. bls. 1—2 og 62—63); húsmennskudvöl hans getur því ekki verið því **87** til fyrirstöðu, að hann hafi öðlattsveitfesti með dvöl sinni í Rosmhvalaneshreppi. 5. júní. Að því er hið síðara atriði snertir, að hann hafi þegið styrk af hreppsfe, er það upplýst, að hjer er að ræða um svo nefnt bráðabyrgðalán sökum hallæris, og með því að ekki er sannað nje upplýst, að sömu reglum hafi verið fylgt og sömu skilyrða gætt við veitingu þessa láns, eins og fylgja ber og gæta til þess að sveitarstyrkur geti talizt löglega veittur, eins og líka það atriði, að hreppsnefndin hefir ekki tilkynnt þáverandi framfærslusveit hans lánveitingarnar nje krafizt endurgjalds á lánsupphæðinni, virðist benda á, að hreppsnefnd Rosmhvalaneshrepps hafi ekki frá upphafi skoðað lánið sem sveitarstyrk, þá verður ekki með nægilegri vissu ályktað, að sveitfestisdvöl Halldórs í Rosmhvalaneshreppi hafi rofizt við nefnda lánveitingu, og ber því að álita, að Halldór Einarsson hafi við dauða sinn verið sveitlægur þar í sveit, og ber Rosmhvalaneshreppi því að endurborga bæjarsjóði Reykjavíkur framlagðar 31 kr. Þetta tilkynnist yður hjer með þjónustusamlega, herra amtmaður, til þóknanlegrar leiðbeiningar og frekari birtingar.

Brjef til landshöfðingja til stiptsyfirvaldanna um embættislán handa presta- 88
kalli (ágrip). 22.júní.

Með brjefi þessu var samþykkt, að presturinn að Ásum í Skaptártungum tæki embættislán upp á prestakall, sitt að upphæð 1500 kr., til þess að byggja upp kirkju að Ásum. Lánið á að vera endurborgað með vöxtum á 20 árum.

Brjef landshöfðingja til amtmannsins í suðuramtinu og vesturamtinu um 89
lántökuleyfi handa amtsráði (ágrip). 27.júní.

Með brjefi þessu var amtsráði vesturamtsins leyft að taka 3000 kr. lán til 6 ára til styrktar búnaðarskólanum í Ólafsdal.

Brjef landshöfðingja til amtmannsins í norðuramtinu og austuramtinu nm 90
endurveitingu hlunninda handa sparisjóði. (ágrip). 29.júní.

Með brjefi þessu voru sparisjóðnum á Akureyri endurveitt um 5 ára tímabil frá 1. jan. 1896 hlunnindi þau er samkv. tilsk. 5. jan. 1874 voru veitt honum með lhbrj. 30. desbr. 1890, með venjulegum skilyrðum, þar á meðal um reikningsform, sbr. lhbrj. 30. nóv. 1892 (Stjt. 1892, B, bls. 257).

Brjef landshöfðingja til amtmannsins í norðuramtinu og austuramtinu um 91.
útsvarsálag á verzlanir. — Með þóknanlegu brjefi, dags. 16. apríl þ. á. hafið þjer 2. júlí. herra amtmaður, sent mjer erindi frá verzlunarstjóra Ó. F. Daviðssyni á Vopnafirði, þar sem hann spyrst fyrir um það, hvernig skilja beri lög 9. ág. 1889, að því leyti sem þau ákveða, að leggja skuli á verzlanir útsvar, er samsvari út-

91 svari eptir efnum og ástæðum, samkvæmt því sem hæfa þykir eptir árlegri 2. júlí. veltu og arði.

Út af þessu skal yður hjer með tjáð, til þóknanlegrar leiðbeiningar og birtingar fyrir hlutadeiganda, að hreppsnefndirnar eru alls ekki bundnar við að taka tillit til veltu og arðs að eins undanfarið ár, eins og verzlunarstjórinn álitur, heldur eiga þær að leggja á verðlanirnar eptir gjaldþoli því, sem ætla má að þær hafi eptir stærð þeirra og venjulegum arði, eins og lagt er á einstaka menn eptir efnum og ástæðum yfir höfuð; þyki svo verzlunarstjóra of hátt lagt á, verður hann að fara sama veg og aðrir með kærur sínar, en þá er honum innanhandar að skýra frá síðasta árs veltu og arði til þess að hæflegt tillit verði til þess tekið.

92 Brjef ráðgjafans fyrir Island til landshöfðingja um makaskipti a kirkjujörð 5. júlí. (ágrip).

Með brjefi þessu tilkynnti ráðgjafinn, að samkvæmt tillögum hans hefði hans hátign konunginum 2. dag júlímán. allramildilegast þóknast að samþykkja að makaskipta mætti jörðinni Bakkakoti í Andakíl í Borgarfjarðarprófastsdæmi gegn jörðinni Grímarstöðum eða Grímarstöðum í sama hreppi, þannig að hin fyrnefnda jörð verði eptirleidis skoðuð sem bændaeign að því er alla afgjaldsskyldu snertir, en hin síðarnefnda verði sett jafnhliða öðrum kirkjueignum.

93 16. júlí.

Samþykkt

um ýmisleg atriði, er snerta fuglaveiðar í Vestmannaeyjum.

Sýslunefndin í Vestmannaeyjasýslu hefir samkvæmt lögum nr. 13, 13. apríl 1894, gjört og hjeradsfundur þar fallizt á eptirritaða

samþykkt

um ýmisleg atriði, er snerta fuglaveiðar í Vestmannaeyjum.

1. gr.

Lundi skal algjörlega friðaður á Heimalandi um hvern tíma árs sem er, en í úteyjum öllum, — þar með talinn Heimaklettur, Miðklettur og Yztiklettur, — að undanteknum Smáeyjum, Brandi, Hellisey, Súlnaskeri og Geldungnum, allt árið, nema frá því 11 vikur eru af sumri og þangað til fullar 15 vikur eru af sumri. Háfa má nota til veiða, en engin önnur veiðarfæri.

2. gr.

Svartfugl má eigi veiða á sjóflánum. Sameign hver veiðir fyrir sig svartfugl í bergi með snörum, en háfar skulu alls ekki notaðir til svartfuglaveiði annarsstaðar en uppi í grasi fyrir ofan brúnir. Fuglanet skulu með öllu aflögð. Eigi má gjöreýða fuglinum á neinu bæli. Svartfugl, hvorki ungan nje gamlan, má taka í Súlnaskeri.

3. gr.

Þegar eigi er veiðiveður, en legið er við til fuglaveiða, skulu veiðimenn